

## Doškrabki z posedženja Schwalenskeje komisije za wučbnicy

### Interaktiwna CD k wuknjenju

**Budyšin/BW/SN: Čłonojo Schwalenskeje komisije za wučbnicy słyšachu zašly štwórtk 21. januara 2010 wot wotrjadnicy Rěčneho centruma WITAJ Annett Džédźikoweje rozprawu k lětušemu džělowemu planej, potajkim k wučbnicam a wučbnym materialijam, kiž maja k spočatkej noweho šulskeho lěta resp. hač do kónca lěta 2010 wuńć. Nastupajo zhotowjenje hornjoserbskich wučbnicow (dalše wučbne materialije njejsu tu sobu naspomnjene) za šule w Sakskej hodži so slědowace bilancować:**

Tuchwilny staw nadžěłanja wučbnicow **za zakładnu šulu** je tajki, zo su wšitke trěbne mačeršćiny a čitanki za serbsćinu a wučbu po modelu dwaj plus po nowym wučbnym planje a nowych ortografiskich předpismach nadžěłane. Rjad wučbnicow za hudźbu, matematiku a wěcnu wědu za lětniki 1 do 4 tohorunja kompletnje předleži. Z wučbnicu nabožiny za 4. lětnik, kotraž so lětsa zhotowja, budže tež tutón rjad dospołny.

**Za srjedźnu šulu** čitanki za lětniki 5 do 8 předleža. Lětsa nadžěła so čitanka 9/10.

Po mačeršćinje za 5. lětnik slěduje lětsa mačeršćina za 6. lětnik. Nowostka je džělowa kniha za přidružnikow, potajkim za šulerjow, kiž přindu do 5. lětnikow serbskich šulow a nimaja žanežkuli předznajomosće w serbsćinje. „Z Kitom wuknyć“ wona rěka. Cyłkownje 10 lekcijow wopřijaca kniha wobsahuje zwučowanja k wurjekowanju, ke gramatice a k skrućenju leksiki. Jej připožena je wuknjenska CD z tekstami k sluchanju a konkretnymi nadawkami. Klětu ma dalša tajka džělowa kniha slědować. Za předmjet hudźba nastawa lětsa serbska wučbnica Trojozynk za lětnikaj 5/6: Tu je planowane, rjad dale hač do 10. lětnika wjesć. Za wučbu techniki hižo wučbnica Technika a kompjuter předleži. Naslědna wučbnica z ćežišćom informatiki za srjedźnu šulu a gymnazij ma klětu slědować. Za biologiju prihotujetej so lětsa wučbnicy za 5. a 6. lětnik, za geografiju předleži rjad wučbnicow hač do 9. lětnika a za 10. lětnik so wučbnica lětsa zhotowja. Wučbnicy stawiznow wot 5. hač do 10. lětnika předleža.

Za **gymnazialny schodžeńk** wuńdže lětsa ke kóncej lěta kombinowana wučbnica serbsćiny za 9. a 10. lětnik jako mačeršćina a čitanka w jednym. Wona posrědkuje wědu wo rěči, zapřijate su zwučowanja na přikładach z literatury. Dale zhotowja so wučbnica geografije za 10. lětnik, dalše w tutym rjedže wot 5. do 9. lětnika hižo předleža.

**K někotrym nowostkam** na polu serbskich wučbnych materialijow hodžało so skedźbnić na jednorěčny synonymowy słowničk za serbskorěčnu wurazowu wučbu, kiž nastawa tuchwilu

za šulerjow 1. do 4. lětnikow: „Saperliška – praj to hinak“ wón rěka a ma na zakładze mnohich přikładowych sadow šulerjow pohonjować, so ze serbskej rěču zaběrać a při pisanju swójskich tekstow swoju maćeršćinu kreatiwnje nałožować. Jako dalše přihotuje so interaktiwna wuknjenska CD za 1.do 4. lětnik. Tu změja šulerjo na jara wšelakore wašnje składnosć, pismiki a słowa po alfabetiskim rjedže prawje zasadzić a pytanje słowow w słowniku kaž tež jich prawopis zaměrnje zwučować. Za srjedźne šule a gymnazij přihotuje so dźiwadłowa hra Miles gloriosus, kotraž je předwidźana jako dodatny čitanski material za literarnu wučbu 8. do 10. lětnikow srjedźnych šulow a gymnazija.

W slědowacej diskusiji mjez přitomnymi schwalenskeje komisije wujewi so prašenje resp. próstwa, hač hodźeli so za předmjetaj wumělske kubłanje a ručne dźěło serbskorěčne wuknjenske materialije nadžělać. Tu chce so RCW hišće raz konkretnje z wuwučowacymi wučerjami skontaktować a so za móžnymi awtorami rozhladować. Dalšu ideju, zhotowić CDeje ze sluchanskimi tekstami za zakładnu a srjedźnu šulu, chcedža lektorki we wotrjedže pedagogika w RCW nanajpozdžišo klětu do swojeho plana přiwzać a zwoprawdźić.